

चोपन रेडीयो खेममानुड् पेन्ढचाङ्गुबा पा मा हाड ना नुसाची स्यामुसीड् यो। होईढा डीनी रक्मान आयु स का ग आत्रानुड् यामुचासी आत्रानुड् चुप्सी टाखेडीड्। हाड् होईढचा डीनी रक्मान आयु स के आत्रा मीरम खानावाँ ईखानी। हानाम् सङ्क का, ग लः बीरन टाण्डा हाड् आत्रानुड् चुबुण्डा, आत्रानुड् यामुचाण्डा हाड् के ईमीम्पा खानावाँ खेम्से म आत्रा स का नुड्न् पेम्पीण्डानी मसे सड का एट्टान चेन्चाण्डा। हाड् आयु स आत्रा कानुड् पेम्पीण्डानी कामानुड् मीन्डुड्। आयु के आत्रा नीवाहाड्मी पासा येसुए ग बाखाटेम्पी कानी यात्रमीचीमी लागी लेत्रमीम्पा एक्क चेंकमावामी बारेबीए खानावाँ ईखानी।

कानी यात्रमीचीए नीवाहाड्मी पासा आसा लेंटे कामानुड् नुर मालेटीटी हाङ्ग आयु के खोमी बारेबी मीरम खानावाँ ईकुड् हाड् का मीनुण्डा की आत्रे घा खानावाँ नुर वाबुकाम्नी न। खोसे चोपन खानावाँ लीमाबाड् यात्रलन ह गरक लीर मरक् लीर कामानुड् लेयुकसु, मान्ठा भने खो नीवाहाड्मी पासा लेंटा। हाड् खोसे चोपन योम्पक नीवाहाड्मी चेंकमावा बाड् लेयुकसु। खोसे बाखाटेम्पीहा एत्रवा टुकखाची नुबकमीट्टुची, एत्रवा यात्रमीचीमी नीवाँ काम्नुए मुबीट्टुची, हाड् हाब्वुबा चोपन यात्रमीची चेन्चामीट्टुची। चैबान गर गर आक्खेंमा लुलुहाः योम्पक खोसे यात्रमीचीमी डारीड्पीरन खाड्मीट्टु हाड् सङ्क खोबी बाखाटेम्पीहा चोपन यात्रमीचीए नीवायुड् मालेट्टुची। मान्ठा भने खोसे लेत्रमीम्पा चोपन खानावाँ बाखाटेम्पीहा चोपन यात्रमीचीए मान माखाड्कुकुची। कानीए सङ्क नीवाहाड्मी पासाए लेत्रमीम्पा चोपन योम्पक ग माखाड्कका टर आक्खा चोपन योम्पकमी बारेबी नीवाहाड्मी साप्चीराबी चोपन साबुण्डा। हाड् ह स कानीए आक्क खाड्डीकी हाड् खोमी साप्चीराबी साप्पीम्पा चोपन खानावाँ चैबानए स ह।

नीवाहाड्मी साप्चीराबी साप्पीम्पा एक्क चैबानए येशुए लेत्रमीम्पा योम्पकमी बारेबीए एक्क खानावाँ ईखानी यो, आक्कल लाजरस लोमे एक्क यात्रमी येशुमी एट्टान टङ्गुबा लाङ्गाम लेंटा, हाड् येसुए खो एट्टान नाम्नाम पीसीयुकसु हाड् लाजारसए स येसु एट्टाना नाम्नाम पीसीयुकसु। लाजारसमी हीप्पा नानाची चुआची एक्कमी नीड् मारठा हाड् होईकमी नीड् मारीयम लेंटा। ईर्या मारठा नुड् मारीयममी नुसा लाजरस एट्टान सार टुकपका, गर ढारी टुकपका की खो टुकमेसे न सीखेंमा ना हीड्चामा लीसा। गर लीमीम्पासे लाजारसमी नानाचीए गर कामानुड् येसु खानावाँ पाङ्गाड्सुची," हे प्रभु आने एट्टान नाम्नाम पीसीकुने आनाम् लाङ्गाम लाजरस एट्टान सार टुकपडा।" ग खानावाँ खेम्मीम्पा हीट्टी सुम्ची डीनी डेड्पी येसु खोम् टीङ्गुबाचीनुड् सोरी लाजारस चुप्सी एम्पका। खेम्से लेत्रमार लाम्फुबी येसुए सेक्धुम्पाची लोसुची," काम् लाङ्गाम लाजारस ग सीखेंडा। हाड् सङ्क कानी आक्कुबी कानी आक्कुबी खारीये।" एक्क हीट्टी डीनी डेड्पी येसु लाजारसमी गावाँबी टाआ टर खो आक्कुबी टामार लाजारस हुम्मीम्पा रीची डीनी र लीखेंसीम्पा लेंटा। आक्कुबी डीरीक् यात्रमीची खोम्टीखेंम्पा लेंटामी। हाड् येसु स आक्कुबी टामे पाई कामानुड् खेम्मीम्पासे लाजारसमी टुम्मी नाना येसु चुप्सी खारा हाड् लोसु," आना गुबी चुआना ग काम नुसा आसीखेंखुबा लेंटा हला, टर के लेकुड् आने नीवाहाड्नुड् माड् डागुकुना खोसे आना आक्क पीरः।" हाड् येसुए लाजारसमी नाना लोसु," आनाम नुसा फेरी हीड्पः।" हाड् लाजारसमी नानाए लोसु," के लेकुड्, डेड्पीए डीनीबी फेरी हीड्पः।" फेरी येसुए लोसु," सीखेंमा बाड् हीड्पःमे नूड् हीङ्गामा काबीरन चुः, काबी नीवायुड् लेखुबाची सीखारामी हाड्सङ्क हीड्पःमी, काम नीवायुड्बी हीड्चाखुबाची हानाम्स सीखेंमीनी। माल् आने नीवायुड् लेकुने?" लाजारसमी नानाए लोसु," उम् प्रभु के नीवायुड् लेकुड्। आना ग बाखाटेम्पी टाखुबा नीवाहाड्मी पासा ना ह।" हाड् लाजारसमी टुम्मी नाना मारठा खारा हाड् खोमी नुसा मारीय आसेस आलेमे गारी सेःरु। आक्कबा मारीयम स येसु चुप्सी डाबा हाड् येसु लोसु," प्रभु आना गुबीरन लीसाना ग काम नुसा आसीखेंखुबा लेंटा।" खोची आक्कुबी टाआमी हाड् आक्कुबी खोम्टीखेंमीम्पा चोपन यात्रमीची हाब्ढाड्मीम्पा येसुए खाड् हाड् खो स हाबा। येसु स आक्कुबू हाब्मीम्पा

आक्कुबीहा याऱ्मीचीए खाडुची हाड् गरहाड् कासामी," खाडल्हाम्ने टा गसे खोम लाङ्काम लाजारस एऱ्वा नाम्नाम पीसीकुए रछ।" येसुए लोसु," आत्रे काम् लाङ्काम लाजारस हाबी युड्डाम्नीहा?" आक्खाचीए लोसुची, " गुबी डाबे हाड् खाडे प्रभु।" आक्कुबी चुऱ्मीहा याऱ्मीचीए गर कामानुड् लोसुची," मीक् आखाङ्कुबा याऱ्मी खाङ्कुबा मुहीखुबे ग लाजारस स सीखेऱ्मा आपीऱ्हीखुबा लेटे हे टा?" येसुमी नीवाँ एट्टान टुगा हाड् लाजारस युड्मीम्पा येऱ्माबी खारा। येऱ्मामी या ढ्या लीङ्कऱ्वाए डेऱ्मीम्पा लेटा। येसुए लोसुची," येऱ्मामी याबीए लीङ्कऱ्वा लाराहाड्साम्ने !" लाजारासमी नानए लोसु," प्रभु गरऱ्फल ढारी ग कीम्खेसीट्टा हला। मान्ठाभने खो हुम्मीम्पा आयु रीची डीनी लीखेसीट्टा।" येसुए लोसु,"आत्रे नीवायुड् लेटाम्नी भने नीवाहाड्मी नीड्लावा खाडटकाम्नी।" हाड् आक्कु डेड्पी आक्खाचीए येऱ्मामी याबी चुए लीङ्कऱ्वा लाराहाड्सुची। हाड् येसुए मीट्टु खाड्मानुड् लोसु," नीवाहाड् आपा आना ओहाक, आने काम खानावाँ खेम्कुना, गुबी चुऱ्मीहा याऱ्मीचीए ग लेसुचीर की का आने न ग बाखाटेम्पी पाङ्गाड्मीम्पा ह कामानुड्।" आक्कु डेड्पी येसुए लाजारस युड्मीम्पा येऱ्मा पोटी खाड्से ढ्या साम्नाबी लोसु," लाजारस बाहीर आमपके।" हाड् आक्कु सीखेम्पा लाजारस खो हीग्मीम्पा डोरी नुड् न बाहीर आमपका। येसुए लोसुची, "खो हीग्मीम्पा चोप्न बान्धाना हेम्बक्पीट्टामचीने हाड् खो खेऱ्मीटाम्चीने।" गरहाड् याऱ्मीचीमी डारीड्पीऱ्न येसुए सीखेसीम्पा याऱ्मी सङ्क हीड्पमीट्टु।

गरहा आक्खेऱ्माहा योम्पक येसुए डीरीक लेटु, कानीए माखाड्टकी टर घा चप्न खानावाँ चैबानए ह, घा खानावाँ खाङ्कुबा स याऱ्मीची न लेटामी। हाड् नीवाहाड्मी पासा येसुए लेऱ्मीम्पा हाड् खोसे याऱ्मीम्पा चोप्न खानावाँ न आयु ढारी स खोमी सापचीराबी चुढ्याड्। नीवाहाड्मी सापचीराबीहा चोप्न खानावाँ चैबानए ह। खोसे याम्मीम्पा खोसे लेऱ्मीम्पा हाड् खोसे ग बाखाटेम्पी लेऱ्मीम्पा चोप्न खानावाँ आक्कुबी साबुड्डा। कानी टाड्पे न कानीमी आपा आमामी खानावाँ माखासीई भने कानीमी आपा आमाए कानी वोकी हाड् रक्की सडक टर कानीमी आपा आमा न मुखुबा नीवाहाड्मी खानावाँबी नीवायुड् मालेटी हाड्सङ्क खोसे कानी नाम्नाम न पीसीकी । मान्ठाभने खोसे मीनुकु की कानीए ईऱ्या खोमी खानावाँ खासीकी कामानुड्। नीवाहाड्मी पासा येसुए लोमीम्पा खानावाँ लाजारसमी नानाए खासीआ हाड् खोमी नुसा लाजारस हीड्पका। आक्र बेला खोचीनुड् येसु चुआ टर ईरक बेला नीवाहाड्मी पासा कानीनुड् माआ हाड्सङ्क कानीनुड् खोसे लोमीम्पा चोप्न खानावाँ चुः। खोमी सापचीराबी साऱ्मीम्पा खानावाँ खासीई भने न कानीमी हीङ्गामाबी स नीवाहाड्ए डीरीक हाङ्गाड्ए योमपक मुपीकी।

आयु न के ग नीवाहाड्मी खानावाँबी हाड् खोबी नीवायुड् लेकुड्, के ग खोमी लाम्फु न काम्नुए मीनुड् आत्रे मान्ठ मीनानी हार? खोमी लाम्फु काम्नुए मीनानी हाड् डाबाने कानी सोरी सोरी खोमी नुए लाम्फुबी लाम्हुम्सीये।